



REGULAMENTO DE LICENZAS DA FEDERACIÓN GALEGA DE ATLETISMO 2ª Parte

TRAMITACIÓN DE LICENZAS PARA A TEMPADA 2022

(APROBADO POLA ASEMBLEA XERAL O DÍA 26 DE MARZO DE 2022)

Preliminar

De conformidade co disposto no artigo 3 do vixente Regulamento de Licenzas da FGA, a presente circular procede a desenvolver aqueles aspectos deste que resultan aplicables á tramitación de licenzas para a tempada deportiva 2022, así como aqueloutros que gardan relación coa condición de federado no ámbito autonómico, competencia da FGA.

Primeiro. Ámbito

A presente circular é executiva desde a súa difusión e de obrigado cumprimento para as persoas físicas e xurídicas que desexen ser titulares dunha licenza de atletismo de carácter autonómico ou de carácter nacional, válida no ámbito estatal (sexa nova ou por renovación, anual ou temporal), para a tempada 2022.

Segundo. Temporada

A tempada 2022 comezará o 1 de xaneiro de 2022 e finalizará o 31 de decembro de 2022.

Terceiro. Regulación

A tramitación das licenzas e o seu réxime xurídico atópanse reguladas no Regulamento de Licenzas da FGA, que será a norma aplicable, a nivel autonómico, así como no Regulamento de Licenzas da RFEA que corresponderá á xurisdición nacional.

Cuarto. Cotas para a tempada 2022

As cotas que se deberán aboar pola expedición da licenza autonómica, (por tipos e categorías) licenzas anuais, na modalidade de licenza de cota unificada son as acordadas polos Órganos de Goberno da FGA, Xunta Directiva e Comisión Delegada da Asemblea Xeral da FGA, na xuntanza desenvolta o día 5 de novembro de 2021 por Councilbox e que, no seu momento, serán propostas á Asemblea Xeral.

- **Exencións**

Están exentos de pagos de cotas, agás o seguro obrigatorio, todos os atletas menores de idade cuxas familias directas (proxenitores) acrediten documentalmente ser desempregados de larga duración ou ben que teñan rendas inferiores ao Salario Mínimo Interprofesional.

- **Bonificacións**

Aquela persoa que dilixencie licenzas de atletismo en mais de dous estamentos (atleta, adestrador e xuíz) terá unha bonificación do 50% da licenza de maior custo.

Aquelas familias que superen a cantidade de catro licenzas dentro do parentesco país-fillos, non abonarán cotas a partir dese número, afrontando só o custo do seguro de accidentes obrigatorio. Dita bonificación non será compatible coa anterior

En todos os casos de exencións ou bonificacións, o procedemento será o seguinte. Primeiro abonaran as licenzas cos custos establecidos e, despois, presentarán a documentación xustificativa para que se faga efectivo a devolución correspondente.



Quinto. Categorías por idades

As categorías ás que se adscribirán os atletas, atendendo á súa idade, serán para a tempada 2022 as seguintes:

MÁSTER	Desde o día en que cumpran 35 anos (incluído)	
SENIOR	Nados/as en	1999 e anteriores
SUB-23	Nados/as en	2000, 2001 e 2002
SUB-20	Nados/as en	2003 e 2004
SUB-18	Nados/as en	2005 e 2006
SUB-16	Nados/as en	2007 e 2008
SUB-14	Nados/as en	2009 e 2010
SUB-12	Nados/as en	2011 e 2012
SUB-10	Nados/as en	2013 e 2014
SUB-8	Nados/as en	2015 e posteriores

Sexto. Prazos

Os prazos para a tramitación das licenzas serán os seguintes:

- Clubs, adestradores e monitores: Desde o 5 de novembro.
- Atletas e xuíces: Desde o 25 de novembro.

A RFEA aplicará recargos por renovacións fora destes prazos. Para os efectos de aplicar estes recargos considerárase como data válida de tramitación e/ou renovación a que quede gravada na Intranet da RFEA no momento da xestión telemática da licenza.

Por outra banda, establécense os seguintes prazos de tramitación de licenzas desde as Federacións Autonómicas á RFEA:

- Prazo límite de tramitación na INTRANET de licenzas de clubs e adestradores renovadas: 20 de novembro de cada ano.
Sen este requisito os atletas non poderán suscribir licenzas por ese club.
- Prazo límite de tramitación na INTRANET de licenzas renovadas e das licenzas novas (por cambio) de atletas e xuíces con licenza anterior distinta: 23 de decembro de cada ano
- Prazo de tramitación na INTRANET das licenzas novas sen licenza na tempada anterior: Ata 7 días, e sempre antes de realizar calquera competición.
- En caso de que, tendo licenza estatal o ano anterior, a licenza autonómica se tramitase fóra do prazo estipulado pola RFEA para cambio de club, a licenza nacional tramitárase como independente.
- Se o seu club non ten licenza estatal en vigor, a licenza suscribirase como independente pola Federación Autonómica en que teña licenza territorial.
- En todos os casos aboarase unha cota suplementaria de 33 € á RFEA, en caso de licenzas nacionais. Os atletas de categoría Sub18 e inferiores non pagarán este recargo.

Sétimo. Numeración

Para a numeración das licenzas utilizaranse os códigos que constan no Anexo 4 da normativa da RFEA.



Oitavo. Cláusula de protección de datos

O texto ou cláusula a aceptar expresamente polo titular da licenza, xunto aos seus representantes legais se é menor de 14 anos, en materia de protección de datos será a seguinte. Lémbrese que sen este requisito non se poderá expedir licenza válida no ámbito autonómico nin estatal.

A adscrición e integración na FGA ou RFEA a través da solicitude de nova licenza ou a renovación da que xa se tiña, ou por disposición legal ou regulamentaria, constitúe a **base xurídica** para o tratamento de datos de carácter persoal derivado da dita relación, e implica a aceptación e/ou consentimento libre, específico, informado e inequívoco dos federados (interesados) sobre o seguinte:

a) Medidas técnicas e organizativas

De acordo co disposto polo “Reglamento (UE) 2016/679 del Parlamento Europeo y del Consejo de 27 de abril de 2016 relativo a la protección de las personas físicas en lo que respecta al tratamiento de datos personales y a la libre circulación de estos datos y por el que se deroga la Directiva 95/46/CE” os datos proporcionados polos estamentos físicos federativos, serán incorporados e tratados nos diversos rexistros de tratamentos e nos rexistros de actividades no caso de transferencias de datos, sobre os que a FGA aplica:

1. Medidas técnicas e organizativas apropiadas, concebidas para aplicar de forma efectiva os principios de protección de datos e integrar as garantías necesarias no tratamento, a fin de cumprir os requisitos do referido Regulamento Europeo e protexer os dereitos dos interesados.
2. Medidas técnicas e organizativas apropiadas con miras a garantir que, por defecto, soamente sexan obxecto de tratamento os datos persoais que sexan necesarios para os fins específicos do tratamento.
3. Medidas técnicas e organizativas apropiadas para garantir un nivel de seguridade adecuado ao risco que leva consigo o tratamento para os dereitos e liberdades dos interesados.

b) Datos identificativos do responsable do tratamento:

O responsable do dito tratamento de datos (licenzas autonómicas) é a Federación Galega de Atletismo, sita na Avenida de Glasgow, 13, C.P. 15008 A Coruña, CIF G15103500, teléfono 981291683 e enderezo de correo federacion@atletismo.gal

O responsable do dito tratamento de datos (licenzas nacionais) é a Real Federación Española de Atletismo (RFEA), sita na Avda. de Valladolid nº 81, esc. dcha., piso 1º, C.P. 28008 Madrid, CIF Q-2878003-i, tlf. 915482423 e enderezo de correo electrónico rfea@rfea.es

c) Datos de contacto do Delegado de Protección de Datos

O Delegado de Protección de Datos é Nós Solucións co que poderá contactar en ramon@nossoluciones.es

d) Finalidade do tratamento

A finalidade da recollida e tratamento dos datos é a de tramitar e xestionar licenzas deportivas e posibilitar o exercicio das funcións que ten atribuídas a FGA polos Estatutos e Regulamentos da FGA e pola lexislación aplicable contida, entre outras normas, na Lei 10/1990, do deporte, na Lei 3/2012 do Deporte de Galicia, na Lei Orgánica 3/2013, contra a dopaxe, na Lei 19/2007, contra a violencia, o racismo, a xenofobia e a intolerancia no deporte, no Real Decreto



1835/1991, sobre Federaciones Deportivas Españolas, no Real Decreto 1591/1992, sobre disciplina deportiva, o Real Decreto 971/2007, de 13 de xullo, sobre deportistas de alto nivel e alto rendemento, nos Estatutos e Regulamentos da WA e a EA, e nas disposicións e regulamentos reguladores dos procedementos electorais federativos, na medida en que o dito tratamento de datos sexa necesario para iso.

e) Categorías de destinatarios

Os destinatarios dos datos serán todos aqueles que deban selo como consecuencia do cumprimento e exercicio pola FGA das súas funcións e obrigas e desenvolvemento da actividade federativa; e todos aqueles que deban ter acceso aos datos con motivo da prestación dun servizo á FGA necesario para o cumprimento e exercicio das funcións e obrigas desta e para o desenvolvemento da actividade federativa.

As categorías de destinatarios poderán ser, entre outras, as seguintes: axencias de viaxes, aseguradoras, hotéis, prestadores de servizos de transporte de viaxeiros, prestadores de servizos postais ou de mensaxería, prestadores de servizos informáticos, prestadores de servizos xurídicos, entidades organizadoras de competicións, administracións públicas, órganos que exerzan potestade disciplinaria, Xulgados e Tribunais, órganos de arbitraje e mediación, WA (Asociación Internacional de Federaciones de Atletismo), EA (Asociación Europea de Atletismo), e/ou calquera outra entidade ou autoridade deportiva internacional de atletismo.

f) Asunción e acatamento de Regulamentos da FGA, RFEA e WA

Os interesados asumen e acatan todos os Regulamentos da FGA, RFEA e WA, e particularmente se someten a todo canto dispoñan as disposicións do Regulamento Antidopaxe WA, e a que a RFEA comunique á WA ou calquera outra autoridade ou tribunal antidopaxe cantos datos sexan precisos para a aplicación do previsto no dito regulamento, como por exemplo e sen carácter exhaustivo: nome e apelidos do interesado, data de sometemento a controis de dopaxe, resultado analítico adverso dos ditos controis, e contido da resolución dos procedementos administrativos, arbitrais e xudiciais incoados como consecuencia dos ditos resultados.

En particular, o interesado, ao subscribir a licenza, consinte e autoriza ademais que se comunique ao Tribunal de Arbitraje Deportivo (TAS-CAS) e que se transfira á World Athletics (WA), con sede en Mónaco, ao Comité Olímpico Internacional (COI), con sede en Suiza, e á Axencia Mundial Antidopaxe (WADA-AMA), con sede en Canadá, os datos seguintes: nome do interesado, data de sometemento a controis de dopaxe, resultado analítico adverso dos ditos controis e contido da resolución dos procedementos administrativos, arbitrais e xudiciais incoados como consecuencia dos ditos resultados. A finalidade da dita transferencia de datos é dar cumprimento aos preceptos do Regulamento WA e que WA dea a coñecer os citados datos para favorecer e facilitar o cumprimento do artigo 23 a) do Regulamento WA (Reglas de elixibilidade).

Os datos de carácter persoal do interesado conservaranse polo tempo necesario para o cumprimento das finalidades referidas anteriormente e en tanto non exista unha revogación ou retirada do consentimento do interesado para o tratamento dos seus datos. Non obstante, ese prazo de conservación estará afectado e poderá ser alterado por outros elementos tales como: os prazos de prescrición de delitos e infraccións por dopaxe e de caducidade de procedementos, os prazos de prescrición de infraccións en materia de disciplina deportiva e de caducidade de procedementos, os prazos de prescrición para as accións de revogación e/ou reintegro de subvención, os prazos de tramitación de procedemento de revogación e/ou reintegro de subvención, os prazos de tramitación de posteriores recursos administrativos e procedementos xudiciais e a obriga legal de bloquear os datos quedando os mesmos a disposición das



administracións públicas competentes, xuíces e tribunais, para a atención das posibles responsabilidades nadas do tratamento, durante o prazo de prescrición destas.

O interesado ten dereito a retirar ou rebocar o consentimento para o tratamento de datos (a dita retirada do consentimento non afectará á licitude do tratamento previo a tal retirada e a dita retirada do consentimento non afectará á obriga legal de bloquear os datos quedando os mesmos a disposición das administracións públicas competentes, xuíces e tribunais para a atención das posibles responsabilidades nadas do tratamento, durante o prazo de prescrición destas), e o interesado ten dereito:

1. A ter acceso aos seus datos persoais
2. Á rectificación dos seus datos persoais
3. Á supresión dos seus datos persoais
4. Á limitación do tratamento dos seus datos persoais
5. A oporse ao tratamento dos seus datos persoais
6. Á portabilidade dos datos
7. A presentar reclamación ante a Autoridade de Control (Axencia Española de Protección de Datos), todo isto nos termos establecidos no Regulamento UE 2016/679 do Parlamento Europeo e do Consello de 27 de abril de 2016.

O exercicio destes dereitos deberá exercitarse conforme ás regras da boa fe e sen incorrer en fraude de lei. O exercicio dalgúns dos ditos dereitos pode dar lugar á extinción da relación xurídica federativa do interesado coa FGA ou RFEA e dos dereitos e deberes dimanantes de tal relación; non obstante, iso non impedirá nin o inicio ou continuación de calquera procedemento administrativo, arbitral e/ou xudicial en que o interesado puidese estar involucrado nin a utilización dos datos de carácter persoal en tales procedementos.

g) Cesións ou transferencias internacionais de datos

Poderán producirse cesións ou transferencias internacionais de datos, que non contén cunha decisión de adecuación referida no artigo 45 do Regulamento (UE) 2016/679 do Parlamento Europeo e do Consello de 27 de abril de 2016, ou non contar con garantías adecuadas referidas no artigo 46 do citado Regulamento Europeo, a países sedes de competicións internacionais de atletismo que non contén con lexislación de protección de datos equiparable á lexislación española ou á lexislación europea.

A finalidade desta comunicación é cumprir cos requisitos esixidos pola entidade organizadora ou a autoridade governativa ou lexislativa do país correspondente para participar en tales competicións. Os interesados coñecen, asumen e consenten especificamente mediante a súa sinatura na solicitude de licenza os posibles riscos existentes para eles que implican tales transferencias de datos, entre os que se atopan os seguintes:

1. Que a entidade receptora dos datos non conte con medidas técnicas e organizativas apropiadas, concebidas para aplicar de forma efectiva os principios de protección de datos e integrar as garantías necesarias no tratamento de datos en termos equiparables á lexislación española ou europea.
2. Que a entidade receptora dos datos non conte con medidas técnicas e organizativas apropiadas concebidas para garantir os dereitos de protección de datos dos interesados en termos equiparables á lexislación española ou europea.
3. Que a entidade receptora dos datos non conte con medidas técnicas e organizativas apropiadas con miras a garantir que, por defecto, só sexan obxecto de tratamento os datos persoais que sexan necesarios para os fins específicos do tratamento.
4. Que a entidade receptora dos datos non conte con medidas técnicas e organizativas apropiadas para garantir un nivel de seguridade adecuado ao risco que leve consigo o tratamento para os dereitos e liberdades dos interesados.



5. Que o país no que se atope a entidade receptora dos datos non conte cunha autoridade de control en materia de protección de datos.

Conforme ao artigo 49 do Regulamento (UE) 2016/679 do Parlamento Europeo e do Consello de 27 de abril de 2016, o consentimento do interesado outorgado mediante a subscrición ou renovación da licenza será válido especificamente para as transferencias internacionais.

h) Publicación de datos

O atleta (ou no seu caso os proxenitores que ostenten a patria potestade ou o titor legal do atleta menor de 14 anos) autoriza expresamente que os seus datos aparezan en todas as bases de datos de acceso público mantidas pola FGA/RFEA que proporcionan información referente á súa licenza, os seus resultados e marcas obtidas en diferentes competicións e tempadas, sancións impostas, así como o seu nome e apelidos, fotografía, data de nacemento, cidade de nacemento, nacionalidade e club de pertenza. En particular os referidos datos identificativos quedarán visibles na páxina web da FGA ou/e RFEA co fin de mostrar os seus resultados no apartado de consulta de atletas da mencionada páxina web.

Así mesmo serán públicas tanto a relación de inscricións de competicións como a relación de resultados destas, nas que aparecerán publicados os datos dos interesados referidos ao nome, dous apelidos, número de licenza, data de nacemento ou idade, sexo, nacionalidade, comunidade autónoma de procedencia, cidade de procedencia, cidade de nacemento, club de pertenza e resultados deportivos.

i) Prazo de conservación dos datos

Os datos de carácter persoal dos interesados conservaranse polo tempo necesario para o cumprimento das finalidades referidas anteriormente, e en tanto non exista unha revogación ou retirada do consentimento dos interesados para o tratamento dos seus datos. No entanto, ese prazo de conservación estará afectado e poderá ser alterado por outros elementos tales como: os prazos de prescrición de delitos e infraccións por dopaxe e de caducidade de procedementos, os prazos de prescrición de infraccións en materia de disciplina deportiva e de caducidade de procedementos, os prazos de prescrición para as accións de revogación e/ou reintegro de subvención, os prazos de tramitación de procedemento de revogación e/ou reintegro de subvención, os prazos de tramitación de ulteriores recursos administrativos e procedementos xudiciais; e a obriga legal de bloquear os datos quedando os mesmos a disposición das administracións públicas competentes, xuíces e tribunais, para a atención das posibles responsabilidades nadas do tratamento, durante o prazo de prescrición destas.

j) Dereitos do interesado

O interesado ten dereito a retirar ou revogar o consentimento para o tratamento de datos (a dita retirada do consentimento non afectará á licitude do tratamento previo a tal retirada, e a dita retirada do consentimento non afectará á obriga legal de bloquear os datos quedando os mesmos a disposición das administracións públicas competentes, xuíces e tribunais para a atención das posibles responsabilidades nadas do tratamento, durante o prazo de prescrición destas) e o interesado ten tamén os seguintes dereitos:

- Dereito de acceso aos seus datos persoais (nos termos establecidos no artigo 15 do Regulamento (UE) 2016/679 do Parlamento Europeo e do Consello de 27 de abril de 2016).
- Dereito de rectificación de datos persoais (nos termos establecidos no artigo 16 do Regulamento (UE) 2016/679 do Parlamento Europeo e do Consello de 27 de abril de 2016).
- Dereito de supresión de datos persoais (nos termos establecidos no artigo 17 do



Regulamento (UE) 2016/679 do Parlamento Europeo e do Consello de 27 de abril de 2016).

- Dereito á limitación do tratamento de datos persoais (nos termos establecidos no artigo 18 do Regulamento (UE) 2016/679 do Parlamento Europeo e do Consello de 27 de abril de 2016).
- Dereito a opoñerse ao tratamento de datos persoais (nos termos establecidos no artigo 21 do Regulamento (UE) 2016/679 do Parlamento Europeo e do Consello de 27 de abril de 2016).
- Dereito á portabilidade de datos persoais (nos termos establecidos no artigo 20 do Regulamento (UE) 2016/679 do Parlamento Europeo e do Consello de 27 de abril de 2016).

O exercicio de todos estes dereitos deberá efectuarse conforme ás regras da boa fe e sen incorrer en fraude de lei. O exercicio dalgúns de devanditos dereitos pode dar lugar á extinción da relación xurídica federativa do interesado coa FGA e/ou a RFEA e dos dereitos e deberes dimanantes de tal relación; no entanto, iso non impedirá nin o inicio ou continuación de calquera procedemento administrativo, arbitral e/ou xudicial en que o interesado puidese acharse involucrado nin a utilización dos datos de carácter persoal en tales procedementos.

Para o exercicio destes dereitos o interesado poderá dirixir escrito de solicitude á FGA, na parte que lle corresponde, a través do correo secretaria@atletismo.gal ou, se fora preciso, á RFEA.

O escrito de solicitude á FGA deberá conter:

1. Nome, apelidos e nº de DNI, ou no seu caso nº de NIE ou nº de pasaporte do interesado
2. Identificación do medio preferente ou do lugar que se sinale a efectos de notificacións (en caso de non indicarse esta circunstancia, quedará a elección da FGA o medio ou lugar para notificar ao interesado segundo os datos deste que obren nos ficheiros da FGA)
3. Feitos e petición en que se concrete, con toda claridade, a solicitude;
4. Lugar e data
5. Sinatura do solicitante ou acreditación da autenticidade da súa vontade expresada por calquera medio que sexa admisible e válido en Dereito.

En caso de que a FGA teña dúbidas razoables en relación coa identidade da persoa física que cursa a solicitude, poderá solicitar que se facilite a información adicional necesaria para confirmar a identidade do interesado.

Así mesmo o interesado ten dereito a presentar reclamación ante a Axencia Española de Protección de Datos (Autoridade de Control) a través do seu sitio web: www.agpd.es. en caso de que sinta vulnerados os seus dereitos e especialmente cando non haxa satisfacción no exercicio dos seus dereitos.

(*) Recórdase que A COMUNICACIÓN DOS DATOS PERSOAIS E O CONSENTIMENTO PARA O TRATAMENTO DE DATOS, TRANSFERENCIAS INTERNACIONAIS DE DATOS E CESIÓN CONTIDOS NO PRESENTE DOCUMENTO SON REQUISITOS NECESARIOS PARA A TRAMITACIÓN, EXPEDICIÓN E XESTIÓN DA LICENZA E, EN CONSECUCIA, PARA A INTEGRACIÓN NA FEDERACIÓN AUTONÓMICA DE ATLETISMO E/OU REAL FEDERACIÓN ESPAÑOLA DE ATLETISMO.

NON COMUNICAR DEVANDITOS DATOS E/OU NON OUTORGAR CONSENTIMENTO PARA O DEVANDITO TRATAMENTO E CESIÓN TERÁ COMO CONSECUCIA A NON TRAMITACIÓN E A NON EXPEDICIÓN DA LICENZA E A CONSEGUINTE NON INTEGRACIÓN DO INTERESADO NA



FEDERACIÓN GALEGA DE ATLETISMO NIN NA REAL FEDERACIÓN ESPAÑOLA DE ATLETISMO, SEN QUE A LICENZA DESPREGUE EFECTOS NO ÁMBITO AUTONÓMICO NIN ESTATAL.

Noveno. Cláusula de cesión de dereitos

O texto ou cláusula a aceptar expresamente polo titular da licenza, xunto aos seus representantes legais se é menor de idade, en materia de cesión de dereitos de imaxe, voz, nome e outros que se puidesen engadir é o seguinte. Lémbrese que sen este requisito non se poderá expedir licenza válida no ámbito autonómico nin estatal.

Ao amparo do disposto na Lei Orgánica 1/1982, de 5 de maio, de protección civil do dereito ao honor, á intimidade persoal e familiar e á propia imaxe, no ámbito dos eventos ou actividades nas que participe ou organice a FGA ou RFEA en colaboración cas seus patrocinadores, colaboradores e medios e canles de comunicación e no ámbito das competicións oficiais ou amistosas de atletismo, os interesados consenten e autorizan a cesión á FGA ou RFEA dos seus dereitos de imaxe, voz e nome (incluíndo tamén idade ou data de nacemento, lugar de nacemento, nacionalidade, club de pertenza e demais datos de interese xeral informativo que puidesen ser recollidos con ocasión da súa intervención nos eventos ou actividades e en competicións oficiais de atletismo), así como a súa captación, gravación, reprodución, difusión, emisión e retransmisión utilizando todos os medios técnicos e soportes coñecidos na actualidade, particularmente, os soportes escritos, audiovisuais e electrónicos, incluído Internet e redes sociais, tanto as vixentes como as que puidesen desenvolverse no futuro.

Este material poderá ser utilizado en/ou para:

1. Accións promocionais e/ou publicitarias do evento, actividade ou da competición deportiva directamente medios e canles de comunicación
2. Realización de materiais audiovisuais promocionais en distintos formatos do evento, actividade ou a competición deportiva e outros soportes de comunicación/publicidade propiedade da FGA ou RFEA para campañas ou actividades promocionais e comerciais
3. Na páxina web da FGA ou RFEA e nas contas que teñan en redes sociais (a título enunciativo e non exhaustivo: Facebook, Twitter, Instagram, LinkedIn, Pinterest e Youtube; poden comprobarse na web da FGA ou RFEA as redes sociais nas que a FGA ou RFEA ten conta rexistrada).

Todo iso coa única salvedade e limitación daquelas utilizacións que poidan atentar ao dereito ao honor nos termos previstos na Lei Orgánica 1/1982, de 5 de maio, de protección civil do dereito ao honor, á intimidade persoal e familiar e á propia imaxe. A referida cesión de dereitos é consentida e autorizada con carácter gratuito e desinteresada, por tempo ilimitado, sen límite territorial e con facultade da FGA ou RFEA para a súa cesión a terceiros. Así mesmo, o atleta, ou no seu caso os proxenitores que ostenten a patria potestade ou o titor legal se é menor de 14 anos, non poderán pedir no futuro unha contraprestación a cambio da utilización, dentro dos termos previstos no presente documento, das mencionadas imaxes pola FGA ou RFEA.

Tratamento e cesións dos datos persoais obtidos da imaxe, voz e nome: Os datos de carácter persoal obtidos coa gravación ou captación, de imaxe voz e nome (incluíndo tamén idade ou data de nacemento, lugar de nacemento, nacionalidade, club de pertenza e demais datos que puidesen ser recollidos con ocasión da súa intervención nos eventos, actividades ou as competicións oficiais de atletismo e sexan de interese xeral), serán tratados de acordo co disposto no presente Regulamento de Licenzas. Os referidos datos conservaranse por tempo ilimitado dadas as condicións da cesión de dereitos.



O responsable do dito tratamento de datos é a FGA e Real Federación Española de Atletismo (RFEA), segundo o tipo de licenza.

Os interesados autorizan e consenten que os ditos datos sexan comunicados:

- 1) ao público en xeral
- 2) ás produtoras, distribuidoras ou prestadores de servizos involucrados na gravación e difusión dos vídeos e fotografías
- 3) a provedores de servizos de aloxamento de vídeos e fotografías en internet incluíndo redes sociais (algúns destes terceiros poderán estar situados en países que non contan con lexislación de protección de datos equiparable á lexislación española ou á lexislación europea, e as transferencias de datos poderán non contar cunha decisión de adecuación referida no artigo 45 do Regulamento (UE) 2016/679 do Parlamento Europeo e do Consello de 27 de abril de 2016, ou non contar con garantías adecuadas referidas no artigo 46 do citado Regulamento Europeo; sendo os riscos diso os referidos na letra g) do presente artigo 3 bis
- 4) aos patrocinadores e colaboradores (doantes, achegadores, etc.) da FGA ou Real Federación Española de Atletismo.

Os interesados poden exercitar os dereitos recollidos na letra j) do presente Anexo, aínda que procederá á indemnización por danos e prexuízos á que se refire o artigo 2.3 da Lei Orgánica 1/1982 se do exercicio de tales dereitos houberse equivalencia a revogación do consentimento referida no artigo 2.2 da citada Lei Orgánica. O exercicio dos devanditos dereitos deberá exercitarse conforme ás regras da boa fe e sen incorrer en fraude de lei, e non impedirá nin o inicio ou continuación de calquera procedemento administrativo e/ou xudicial en que os interesados puidesen acharse involucrados nin a utilización dos datos de carácter persoal ou as gravacións ou imaxes en tales procedementos.

(*). Recórdase que A CESIÓN E AUTORIZACIÓN DE USO DE DEREITOS DE IMAXE, VOZ E NOME CONTIDOS NO PRESENTE DOCUMENTO É REQUISITO NECESARIO PARA A TRAMITACIÓN, EXPEDICIÓN E XESTIÓN DA LICENZA E, EN CONSECUCIÓN, PARA A INTEGRACIÓN NA FEDERACIÓN GALEGA DE ATLETISMO E/OU REAL FEDERACIÓN ESPAÑOLA DE ATLETISMO.

NON OUTORGAR CONSENTIMENTO PARA A DITA CESIÓN E USO TERÁ COMO CONSECUCIÓN A NON TRAMITACIÓN E A NON EXPEDICIÓN DA LICENZA E A CONSEQUENTE NON INTEGRACIÓN DO INTERESADO NA FEDERACIÓN GALEGA DE ATLETISMO OU RFEA, SEN QUE A LICENZA DESPREGUE EFECTOS NO ÁMBITO AUTONÓMICO OU ESTATAL, RESPECTIVAMENTE.

Décimo. Dereitos e vantaxes

Ademais dos dereitos xenéricos establecidos na lexislación vixente e no Regulamento de licenzas, así como noutras normas internas da FGA, durante a tempada 2022 a condición de federado autonómico xerará os dereitos e beneficios que se resumen, para cada tipo de licenza:

- A participar, se reúne e cumpre coa regulamentación vixente para cada uno deles, nos Campionato de Galicia individuais e de clubs.
- A participar nas competicións incluídas no Calendario Galego, se reúne e cumpre coa regulamentación para cada un deles.
- A posuír o carnet de atleta da FGA ou acreditación equivalente.
- A figurar no censo electoral da FGA, sempre que cumpra coa normativa vixente, podendo figurar nos censos electorais como electores e/ou elixibles.
- A figurar, se entra nos topos establecidos, no Ránking de Galicia.
- A ser beneficiario do sistema de axudas da FGA.
- A poder ser seleccionado para representar a Galicia así como convocado a concentracións, test deportivos ou médicos sempre e cando cumpra o resto de requisitos que marque a Dirección Técnica ou normas vixentes.



Licenza anual de atleta Trail Running

- A participar, se reúne os requisitos que marque o organizador, en Probas de Trail Running do Calendario FGA e RFEA estando cuberto polo seguro deportivo da súa licenza e sen ter que aboar Licenza de Día.
- A participar nos Campionatos de Galicia ou España de Ruta e Trail Running sempre e cando cumpra o resto de requisitos indicados no regulamento do campionato.
- A estar cuberto polo seguro de accidentes deportivos da súa licenza nos adestramentos que realice da modalidade de Trail Running dentro do ámbito xeográfico que contrate no seu seguro.
- A posuír o carné de atleta da FGA ou acreditación equivalente.
- A poder ser seleccionado coa Selección Galega ou Equipo Nacional así como convocado a concentracións, test deportivos ou médicos por parte da FGA a condición de que cumpra o resto de requisitos que marque a Dirección Técnica da FGA

Licenza FGA de día de atleta

(Corredores que non posúen Licenza Anual Nacional nin da Comunidade Autónoma onde se disputa a proba)

- A participar, se reúne os requisitos que marque o organizador, nunha competición do Calendario Autonómico estando cuberto polos seguros contratados pola FGA.
- A que sexa recoñecida a marca realizada para ránking Federado no caso de que posteriormente tramite licenza anual (RFEA o Autonómica).
- A que sexa recoñecida a marca realizada para participar nun Cto de Galicia ou España no caso de que tramite licenza anual (RFEA o Autonómica).

Licenza FGA de club

- A tramitar licenzas de atletas na FGA
- A figurar no ranking de clubs da FGA.
- A poder participar, de acordo coa regulamentación vixente, nos Campionatos de Galicia de Clubs.
- A que os seus atletas poidan participar, se cumpren coa regulamentación vixente, nos Campionatos de Galicia Individuais.
- A figurar no censo electoral da FGA, sempre que cumpra coa normativa vixente, sendo os únicos, do Estamento de Clubs, que figurarán nos censos electorais como electores e/ou elixibles.
- A poder conectarse á extranet da RFEA e realizar inscricións, tramitar licenzas, etc.
- Os clubs de División de Honor e Primeira División a recibir o Programa Informático de Competición de Clubs e inscribir aos seus atletas nos Campionatos Nacionais Individuais. Nestes casos terán que dilixenciar a licenza nacional coa RFEA.
- A poder organizar competicións do Calendario Autonómico da FGA.
- A poder ser club principal ou asociado.
- A percibir compensación por cambio de club dos seus atletas de acordo coa normativa que puidera aprobarse.

Licenza da FGA de adestrador

A) Licenza de adestrador nacional /TD3

- Entrega de carné ou medio acreditativo da súa licenza e categoría polo periodo de vixencia establecido, sempre que se cumpran todas as condicións establecidas no regulamento de licenzas.
- Estar en posesión da Licenza de Adestrador Nacional outorga o dereito de estar no censo electoral da FGA, sempre que cumpra coa normativa vixente, do Estamento de Adestradores, que figurarán nos censos electorais como electores e/ou elixibles.
- Estar en posesión da Licenza de Adestrador Nacional é condición indispensable pero non exclusiva para poder formar parte do Comité Técnico da FGA, formar parte da estrutura técnica (agás na área de desenvolvemento) ou poder ser contratado por conta allea como adestrador por esta FGA.
- Poderán dispoñer de ata un 75% de desconto nas xornadas de formación organizadas pola FGA.
- Poderán ser invitados a criterio da Dirección Técnica ás concentracións galegas realizadas pola FGA en



calquera das súas categorías ou modalidades.

- Poderán ser convocados a Criterio do Director Técnico para formar parte das delegacións do equipo autonómico en competicións nacionais.
- Poderán recibir asistencia técnica por parte do Comité Técnico e dos adestradores do cadro técnico da FGA.
- Posibilidade de solicitar titorización por parte dos adestradores do cadro técnico da FGA.
- Previa solicitude e aprobación pola Dirección Técnico terán a posibilidade de realizar adestramentos cos adestradores do CGTD e núcleos de adestramento da FGA.
- Posibilidade de acceso ás liñas de Axudas para Cursos de Formación e Capacitación técnica (Congresos, foros de adestradores, etc.).
- Previa solicitude poderá dispoñer dunha entrada/acreditación gratuita en todas as competicións organizadas exclusivamente pola RFEA.
- Todos aqueles beneficios que poidan ser establecidos polos órganos de Goberno da FGA para esta categoría.

B) Licenza FGA de adestrador de clubs/TD2

- Entrega de carné ou medio acreditativo da súa licenza e categoría polo periodo de vixencia establecido, sempre que se cumpran todas as condicións establecidas no regulamento de licenzas
- Estar en posesión da Licenza de Adestrador de Club outorga o dereito de estar no censo electoral da FGA, sempre que cumpra coa normativa vixente, do Estamento de Adestradores, que figurarán nos censos electorais como electores e/ou elixibles.
- Estar en posesión da Licenza de Adestrador de Club é condición indispensable que non exclusiva para poder formar parte da estrutura técnica na área de desenvolvemento.
- Poderán ser invitados a criterio da Dirección Técnica ás concentracións autonómicas realizadas pola FGA para categorías Sub-20, Sub-18, Sub-16 e inferiores.
- Poderán recibir asistencia técnica por parte do Comité Técnico e dos adestradores do cadro técnico da FGA.
- Posibilidade de titorización por parte dos adestradores do cadro técnico da FGA.
- En base ás posibilidades orzamentarias e ao número de solicitudes poderán acceder a axudas económicas para o desprazamento para as concentracións autonómicas de Tecnificación como Adestradores en desenvolvemento.
- Todos aqueles beneficios que poidan ser establecidos polos órganos de Goberno da FGA para esta categoría.

Licenza FGA de Monitor Nacional/TD1 (*)

- Entrega de carné ou medio acreditativo da súa categoría polo periodo de vixencia establecido, sempre que se cumpran todas as condicións establecidas no regulamento de licenzas.
- Poderán participar a criterio da Dirección Técnica nas concentracións autonómicas de tecnificación como monitor en formación (futuro adestrador).

*** A condición de MONITOR admite poder gozar de determinadas vantaxes ofrecidas pola FGA, pero non inclúe ao seu titular no estamento de adestradores da RFEA, nin no censo electoral da FGA, nin permite desenvolver actividades propias dos adestradores.**



**Federación
Galega de
Atletismo**



Complexo Deportivo de Elviña, Avenida de Glasgow, 13
15008 A Coruña. - T. +34 981 291 683 - federacion@atletismo.gal
atletismo.gal - carreirasgalegas.com



Licenza FGA de xuíz

- A recibir gratuitamente o Regulamento da WA actualizado en PDF.
- A ser designado Xuíz nas competicións do Calendario Autonómico.
- A posuír o carné de xuíz da FGA oo medio acreditativo equivalente.
- A figurar no censo electoral da FGA, sempre que cumpra coa normativa vixente, sendo os únicos, do Estamento de xuíces, que figurarán nos censos electorais como electores e/ou elixibles.
- A ser designado xuíz nas viaxes da Selección Galega.
- Posibilidade de recibir material de uniformidade para actuar en competicións da FGA
- Posibilidade de asistir aos cursos e seminarios de actualización.